

נהייתה ולא נראתה כזאת למי"ם עלות בני ישראל מארץ מצרים עד  
 א היום הזה שימור לכם עליה עזו ודברו: ויצאו כל בני  
 ישראל ותקהל העדה כאיש אחד למדן ועד באר שבע וארץ הגלעד  
 ב אל־יהוה המצפה: ויתיצבו פנות כל־העם כל שבטי ישראל בקהל עם  
 ג האלהים ארבע מאות אלף איש רגלי שלף חרב: וישמעו  
 בני בנימן כי עלו בני ישראל המצפה ויאמרו בני ישראל דברו איכה  
 ד נהיתה הרעה הזאת: ויען האיש הלוי איש האשה הנרצחה ויאמר  
 ה הגבעתה אשר לבנימן באתי אני ופילגשי ללון: ויקמו עלי בעלי  
 ה הגבעה ויסבו עלי את־הבית לילה אותי דמו להרג ואת־פילגשי ענו  
 ו ותמת: ואחזו בפילגשי ואת־החיה ואשלחה בכל־שדה נחלת ישראל  
 ז כי עשו זמה ונבלה בישראל: הנה כלכם בני ישראל הונו לכם דבר  
 ח ועצה הלים: ויקם כל־העם כאיש אחד לאמר לא נלה איש לאהלו ולא  
 ט נסור איש לביתו: ועתה זה הדבר אשר נעשה לגבעה עליה בגורל:  
 י ולקחנו עשרה אנשים למאה לכל | שבטי ישראל ומאה לאלף ואלף  
 לרבבה לקחת צדה לעם לעשות לבואם לגבע בנימן ככל־הנבלה  
 יא אשר עשה בישראל: ויאסף כל־איש ישראל אל־העיר כאיש אחד  
 יב חברים: וישלחו שבטי ישראל אנשים בכל־שבטי בנימן לאמר  
 יג מה הרעה הזאת אשר נהיתה בכם: ועתה תנו את־האנשים בני־בליעל  
 אשר בגבעה ונמיתם ונבערה רעה מישראל ולא אבו [בני ק ולא כ]  
 יד בנימן לשמע בקול אחיהם בני ישראל: ויאספו בני־בנימן מן־הערים  
 טו הגבעתה לצאת למלחמה עם־בני ישראל: ויתפקדו בני בנימן  
 ביום ההוא מהערים עשרים וששה אלף איש שלף חרב לבר מישבי  
 טז הגבעה התפקדו שבע מאות איש בחור: מכל | העם הזה שבע מאות